

ԱՐԴԻՒՆՔՈՒՄ
 ԿՏԱՆԳԱԽՈՐ
 ՀԵՏԵՒԱՆՔՆԵՐ

ՀՀ Գերագոյն Խորհրդի Երկրորդ նստաշրջանն իր աշխատանքը վերսկսեց վարչական իրաւաստատումների վերաբերեալ օրէնքի նախագծի քննարկմամբ: Այն դէպքում, երբ հանրապետութիւնը ապրում է տազնապալից օրեր. քաղաքական, տնտեսական ծանր կացութիւն, ընկերային, իրաւական անապահովուածութիւն, կենտրոնական իշխանութիւնների բացարայտ ճնշումներ, արցախահայութեան բռնի տեղահանումներ, նոր յարձակումներ սահմանածերձ գիւղերի վրայ եւ այլն:

Ստեղծուած իրավիճակը յղի է անարբազրելի հետեւանքներով եւ կարող է ճակատագրական դառնալ ոչ միայն անկախութեան գործընթացի, այլեւ մեր ժողովրդի համար ընդհանրապէս, որի գլխին կախուած վտանգը հեռացնելու փոխարէն, ընդհակառակը, փորձեր են արւում շնկատելու տալ այն, վարագուրել արտաքին քաղաքականութեան պատրանքներով, ՄԻՐՆ է այդ քաղաքականութիւնը եւ ի՞նչ արդիւնք է տուել այն ցայտօր: Եթէ Ֆրանսիայի պրեզիդենտի հետ հանդիպման փաստն ինքնին արդիւնք համարւի, ապա այդպիսի քաղաքականութեամբ հեռուն չես գնա, մանաւանդ, երբ Մոսկուան չի թարցնում, որ Հայաստանի հարցերը ձէկ այլ տեղ, բացի Մոսկուայից, վճռուել չեն կարող:

Իսկ հանրապետութեան պրեզիդենտի ընտրութիւնը կամ նախագահին պրեզիդենտական լիազօրութիւններով օժտելը ոչինչ չի կարող փոխել եւ, ըստ էութեան, այլ նպատակ չի հետապնդում, քան սոսկ ժամանակի շահում՝ վերջնականապէս չլահասթափեցնելու դեռեւս յոյսերով օրօրուող մարդկանց, նոր խոստումներով գրադեցնելու քաղաքական միտքը: Մինչդեռ Եղած բոլոր ուժերն ու կարողութիւնները մեր ժողովրդին սպառնացող վտանգը վերացնելուն, հանրապետութեան ներքին հարցերը լուծելուն, կենտրոնի հետ յարաբերութիւնները կարգաւորելուն նպատակաւ ուղղելու փոխարէն, փաստօրէն, ծառայեցում է հանրապետութիւնում իշխանութեան համակենտրոնացմանը: